



Selasa, 24 Agustus 2021

Ogen: Roma 8:5



Pusuh si ikuasai Kesah



Pernah nge iukurindu karakter teman si lit i sekelewetndu? Mpelajari karakter teman e sada alat lako meteh apai si mehuli ras si la mehuli man banta. Tupung reh teman e ndahi kita, la terjeng kulana ngenca reh tapi pe kesahna. Banci si kataken manusia e lit dua bagin, eme manusia daging ras manusia roh. Manusia daging megati erbahansa kita mbiar, aru ate, mekijat, si akap beluhta ndalani kegeluhen enda, murah emosi entah merawa, murah rubat ras pergelut, akapna ia si payona si erbahansa latih rukur. Manusia Roh, manusia si erkiniteken, mbangun hubungan si mehuli ras enterem jelma, tetap nuluh kempak Tuhan ras mabai geluhna ku bas sura-sura Tuhan, manusia jujur ras dem ate keleng. Cuba si ukuri, kira-kira manusia si uga ngenda rusur si reh ku bas kegeluhenta? Manusia daging labo berarti la man temanen, entah pedauh. Ia pe manusia nge si perlu ikelengi. Saja metenget kita ula sempat ia mereken ngaruh ku bas kegeluhenta. Si erbahansa kita terombang-ambing la ertujun. Perlu kal si pebue erteman ras kalak si mabai kita nuluh kempak Dibata, si ngajari kita nggeluh bujur ras erkeleg ate. Perlu si eteh maka karakterta terbentuk 50 % arah temanta bergaul si teptep wari.

Kalak si nggeluh rikutken sura-sura Kesah, pusuhna ikuasai sura-sura Kesah. I bas ia lanai lit percian, lanai lit elem-elem, lanai lit perubaten, lanai egois, lanai murah merawa. Bujur perbahanenna, mejingkat, ukurkenna si mehuli nandangi kalak si deban, dem i bas keleng ate, melumbar ras nggit nampati. Igejapna maka kai si lit i bas ia e pelin-pelin pemere Dibata, emaka la ia biar-biaren erbahan mehuli man jelma si enterem. Perlu kal kita erteman ras kalak si bage janah si talangi pe pusuhna guna ipelimbarui Kesah Dibata e. Lit kap jaminen man kalak si pusuhna ikuasai Kesah, eme tendina ngeluh ras Dibata.

Si berelah pusuhna ikuasai Kesah Dibata